

LOU BRUSC

JOURNAU POUPULARI DE LITERATURO, D'ISTORI E DE SCIENCI
PAREISSÈNT TOUTEI LEI DIMENCHE

Depausitàri majourau pèr Marsiho : carriero Canebièro, 4. En vendo pertout.

Abouanamen :
SET franc pèr an pèr touto la Franco.
Fagero Franco, lou port en subre, go
que reven à DES fr.

Tout ço que toco lou journau dèn
èstre manda afracqui à l'Empremarié
Prouvençalo, 15, carriero dón Grand-
Relògi, à-z-Ais.

Les annonces, réclames et faits di-
vers sont reçus exclusivement à la
Société Anonyme de publicité, 52 rue
d'Aboukir, fermière de la publicité.

TAULETO

PASSO - TÈMS. — Bouen marca chier mi vènes -
Pèire Simoun.

POURSTO. — Moun Album : Bouissoun di Tistet -
Louis Astruc. — Jùli Lejourdan - *Marius*
Bourrelly. — La Mar - *Rimo-Sauço.*

REMEMBRANÇO. — Dón 27 de Febrié au 5 de
Mars — *L. A. Gardaire.*

CRONICO. — J. Lejourdan. — Lei felibre de la
Mar. — Lei felibre de Paris. — Novo. — A M.
Ip. Laidet.

PASSO-TÈMS

BOUEN MARCA CHIER MI VÈNES

Acò si passavo dón coumençamen qu'avien
evenenta lei camin de ferri: un brave peisanas de
Vitrolo, un dimenche de matin, s'èro mes dins la
tèsto d'ana faire un tour, en camin de ferri, jus-
qu'à Marsiho.

Ero un d'aqueleis estrechan que toundrien de
pèu sus d'un uou, e que marcandejon sus tout,
quand sauprien de perdre uno journado pèr es-
pragna tres sòu.

Adoun noueste ome arribo à la garo dón « Pas
de l'Ancié », e s'avancant de l'agachoun mounte
si tèn lou coumis que douno lei carto, li fa;

— Un bihet de tresiemò pèr Marsiho?

— Voilà! .. 1 fr. 25 c.

— Coumo dias?

— Un franc vingt-cinq centimes. Vingt-cinq
sous!

— Vinto cinq sòu! Asso anem, voulès rire? —
Vous dotni vint sòu.

— Il n'y a pas de réduction possible. C'est un
fr. vingt-cinq centimes.

— Anen, vou fachès pa, vous dounarai vinto
dous sòu e l'affaire sera lèsto.

— Je vous dis que le prix est de 1 fr. 25.

— Se va fau, vous dounarai enca douli liard,
mai pa'nò centimo de mai.

— Laissez-moi la paix!

— Viguen, siegués pa tant mau graciéu, meti
enca douli liard...

— Je vous ai dit qu'il n'y a pas de rabais.

— Va foulié dire pulèu que voulès pa... Alor
m'en vau, adessias, l'anarai d'à pèd.

— Allez à cheval, si vous voulez...

— Ai un parèu de sabato novo, clavelado,
fouerto, soulido.

— Tant mieux.

— Ai de cambo de ferri, s'avès un camin de
ferri, anarai d'à pèd.

— Que le diable vous accompagne.

Lou peisan su d'acò si retiro e pareisse pren-
dre lou camin de la Nerto, mai subran entende
un còu de siblet qu'anoungo l'arribado dón trin.
Lèu, lèu reven en courant à l'agachoun!

— Un bihet de tresiemò pèr Marsiho?

— Le voilà! 1 fr. 25.

— Vous n'en douni vinto tres sòu, es un boun
pres, leissès pa'scapa l'affaire.

— C'est comme j'ai dit, il n'y a rien à rabat-
tre.